

# SEHLA SA LEKGETHO SE QALA KA LA 1 PHUPU HO BA SEBEDISANG EFILE

**PRETORIA, Labobedi 25 Phuptjane 2019** – Sehla sa Lekgetho se haufinyane, Ditshebeletso tsa Lekgetho tsa Afrika Borwa (SARS) di kgothaletsa balefalekgetho ba lokelang ho faela dikgutliso tsa bona tsa lekgetho la lekeno ho sebedisa SARS eFiling kapa SARS MobiApp ho faela dikgutliso tsa bona ho tloha ka la 1 Phupu 2019.

Balefalekgetho ba sa sebediseng SARS eFiling kapa SARS MobiApp empa ba hloka thuso ya basebetsi ba makala a SARS ho faela dikgutliso tsa bona tsa lekgetho la lekeno, ba tla kgona ho etsa jwalo ho tloha ka la 1 Phato 2019. Letsatsi la ho qetela bakeng sa balefalekgetho ba faelang makaleng a SARS ke la 31 Mphalane 2019, mme ena ke nako e kgutshwanyane.

Balefalekgetho bao e seng ba nakwana ba sebedisang SARS eFiling le SARS MobiApp ba na le nako e teletsana ya ho faela dikgutliso tsa bona, ka ha letsatsi la ho qetela ke la 4 Tshitwe.

Lebaka la mokgwa ona o momahaneng Sehlang sena sa Lekgetho sa 2019 ke ho kgothaletsa balefalekgetho ho sebedisa dikanale tsa rona tse pedi tsa dijithale, e leng SARS eFiling le SARS MobiApp, tse fumanehang bosiu le motshehare, tse ntlafaditsweng mme ebile di fedisa tlhokeho ya ho ema meleng makaleng a SARS.

Bakeng sa 2019 SARS MobiApp ya di-smart phone, e fumanehang ho tswa ho *Play Store* kapa *App Store*, e tla dumella balefalekgetho ho ingodisetsa SARS eFiling, ho fana ka kgutliso, ho hlomathisa ditokomane tsa tshetso, ho boela ba fumana *username* kapa hona ho teha botjha di-password le ho boha Ditsebiso tsa bona tsa Hlahlobo (ITA34), hara tse ding tsa ditshebeletso.

Mokgwa ona o momahaneng Sehlang sena sa Lekgetho sa 2019 o boela o hlokeha hobane SARS e ntse e tswela pele ho ba le balefalekgetho ba fetang miliyone makaleng a yona empa ba sa hloke ho faela dikgutliso tsa lekgetho.

SARS e batla ho hopotsa balefalekgetho hore ha se balefalekgetho bohle ba lokelang ho nehelana ka dikgutliso tsa lekgetho la lekeno. Balefalekgetho ba welang mokgahlelong ona ha ba hloke ho nehelana ka kgutliso:

- Paloyohle ya lekeno la bona ka selemo pele ho kgulo ya lekgetho ha e fete R5000 000
- Ba fumana lekeno la mosebetsi ho tswa ho MONGAMOSEBETSI A LE MONG FEELA bakeng sa selemong se tletseng sa lekgetho
- Ha ba na mofuta ofe kapa ofe o mong wa LEKENO (o kang alawense ya koloi, lekeno la kgwebo, lekeno la rente, tswala e lefswang lekgetho kapa lekeno la mosebetsi o mong)
- Ha ba na dikgulo dife kapa dife tsa tlatsetso tse dumelletsweeng ho ka hulelwa lekgetho tseo ba ka di tsekang (tse kang diitshenyehelo tsa kalafo, dikabelo tsa ho beha meja fatshe le diitshenyehelo tsa maeto).

Ho tswela pele ho fokotsa maeto a sa hlokalang a ho leba makaleng a SARS, balefalekgetho ba sa hlokeneng ho faela dikgutliso mme bao nako le nako ka nako ya ho feta ba ileng ba faela kgutliso, ba tla fumana tsebiso ho tswa ho SARS e ba tsebisang hore ha ba hloke ho nehelana ka kgutliso.

Hodima moo ba tla fumana sephetho se akantsweng ho tswa ho SARS ho tshwana feela le ha ebe ba ne ba faetse kgutliso. Sephetho se tla itshetleha hodima lesedi leo SARS e le fumaneng ho tswa ho beng ba mesebetsi le ho tswa mehloping e meng mme se tla bontsha seo molefalekgetho a ka se lebellang ho tshwana feela le ha eba o ne ba faetse kgutliso.

Matsatsi a makgaolakang a Sehla sa Lekgetho

- Ho ba sebedisang eFile le SARS MobiApp, Sehla sa lekgetho se qala ka la 01 Phupu mme se fele ka la 04 Tshitwe 2019
- Balefalekgetho ba tla leba makaleng ho ya faela, bona ba tla thuswa ho tloha ka la 01 Phato ho fihlela ka la 31 Mphalane 2019
- Balefalekgetho ba nakwana ba na le ho fihlela ka la 31 Pherekong 2020 ho faela ka tsebediso ya SARS eFiling.